



KËSHILLI PAVARUR MBIKËQYRËS PËR SHËRBIMIN CIVIL TË KOSOVËS NEZAVISNI NADZORNI ODBOR CIVILNE SLUŽBE KOSOVA INDEPENDENT OVERSIGHT BOARD CIVIL SERVICE OF KOSOVO			
Pranuar / Dorezuar Priljeno/Prodato Received/Delivery		16.11	2020
Organi /Njesia Organ /Jedimica Org./Unit		Nr Prot Rr Prot Prot No	Shtojca Prilog Appendix
SKPHSHCK-2594		2594/2020	1/3
			viti god year



**Republika e Kosovës
Republika Kosova-Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA**

A.Nr.278/2020

Këshilli i Pavarur Mbikëqyrës për Shërbimin Civil të Kosovës- Kolegji për shqyrtimin e ankesave i përbërë nga: Malsore Gashi-Bajraktari- kryetare, Eshref Shabani dhe Jeton Kocanëtar dhe Ardita Perçuku-Shyti-Zyrtare e lartë për bashkëpunim profesional, ne cilësinë e procesmbajtëses kanë shqyrtuar ankesën me numër A. nr.278/2018, të datës 22.09.2020, të ankuesit [REDACTED] me adresë Rr."Ilir Konushevc"nr.56, Komuna e Prishtinës, kundër organit të punësimit -Ministria e Punëve të Jashtme dhe Diasporës, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafin 1.1 nën paragrafin 1.1, nenin 16 paragrafin 1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 16.11.2020, mori këtë:

V E N D I M

SHPALLET jo kompetent Këshilli i Pavarur Mbikëqyrës për Shërbimin Civil të Kosovës, për të vendosur lidhur me ankesën A. nr. 278/2020 të datës 22.09.2020, të parashtruar nga ankuesi [REDACTED]

A r s y e t i m

Ankuesi [REDACTED] me Dekret numër DED-012-2016 të Presidentit të Republikës së Kosovës me datën 16.05.2016 është emëruar "Konsull i Përgjithshëm" ne Otava, ndërsa me datë 30.03.2020 Ministri i Ministrisë së Punëve të Jashtme dhe Diasporës nxjerr Vendim me numër Nr.122/2020 me te cilin vendim ankuesit i përfundon mandati si i emëruar "Ministër - Këshilltar" ne Ambasadën e Republikës së Kosovës në Panama nga data 30.06.2020.

Ministrja e Ministrisë së Punëve të Jashtme dhe Diasporës me datën 28.08.2020, ka nxjerr vendim me numër Nr.ref.629/2020 me të cilin e ka shfuqizuar pezullimin e vendimit numër Nr.ref.122/2020 te datës 30.03.2020 dhe ka lenë në fuqi vendimin e datës 30.03.2020 me te cilin vendim ceket se nga data 15.09.2020 Ministria e Punëve të Jashtme dhe Diasporës nuk ka asnjë obligim për sistemimin e ankuesit në shërbimin e jashtëm.

Ankuesi, i pakënaqur me Vendimin me numër Nr.122/2020 të datës 30.03.2020, të Ministrit të Ministrisë së Punëve te Jashtme dhe Diasporës dhe vendimin me numër Nr.Ref.629/2020 të datës 28.08.2020 të Ministrit të Ministrisë së Punëve të Jashtme dhe Diasporës, me datën



22.09.2020, ka parashtruar ankese me numër te protokollit 1853/2020 në Këshillin e Pavarur Mbikëqyrës për Shërbimin Civil te Kosovës.

Këshilli i Pavarur Mbikëqyrës për Shërbimin Civil të Kosovës ankesën e ankuesit e ka proceduar tek Ministria e Punëve te Jashtme dhe Diasporës, për përgjigje në ankesë me datën 23.09.2020, ndërsa me datën 12.10.2020 Këshilli ka pranuar përgjigjen në ankesë nga Ministria e Punëve të Jashtme dhe Diasporës, me provat e bashkangjitura.

Administrimi i provave: Kolegji për marrjen e vendimit meritor administroj këto prova: Ankesa me numër protokollit 1853/2020 e datës 22.09.2020 e parashtruar në Këshillin e Pavarur Mbikëqyrës për Shërbimin Civil të Kosovës; E-maili zyrtar i datës 22.09.2020; Letra përcjellëse e datës 24.05.2016; Dekret i datës 16.05.2016; Vendim për lëvizje paralele dhe transferim i datës 28.04.2017; E-maili zyrtar i datës 17.10.2017; Vendim për plotësim ndryshim të vendimit Nr.132/2017 i datës 12.10.2017; Shkresë e datës 24.01.2018; Vendim i datës 30.03.2020; Vendim i datës 28.08.2020; Përgjigja ne ankese e datës 12.10.2020; Kërkesa për përgjigjeje ne ankese e datës 23.09.2020; Vendim i datës 01.09.2016. Vendimi me numër 15/2020 i datës 03.11.2020 i KPMSHCK-së për shtyrjen e afatit për vendosje të ankesës me numër A. Nr. 278/2020 të datës 22.09.2020, të parashtruar nga ankuesi [REDACTED].

Kolegji për shqyrtimin e ankesave, për vendosjen e kësaj ankese, pasi ka shqyrtuar të gjitha shkresat e lëndës të parashtruara nga ankuesi dhe organi i punësimit respektivisht Dekretin me numër DED-012-2016 të Presidentit të Republikës së Kosovës te datës 16.05.2016 me te cilin ankuesi [REDACTED] është emëruar "Konsull i Përgjithshëm" në Otava, ka konstatuar se Kolegji për shqyrtimin e ankesave i Këshilli të Pavarur Mbikëqyrës për Shërbimin Civil të Kosovës *nuk është kompetent* për shqyrtimin e kësaj ankese, pasi që ankuesi nuk ka status të nëpunësit civil në bazë të nenit 3 paragrafi 2 nën paragrafit 2.3 të Ligjit NR. 06/L - 114 për Zyrtarët Publikë të Republikës së Kosovës, i cili përcakton se: *Ky ligj nuk zbatohet për: „ 2.3. funksionarët e emëruar nga Kuvendi apo nga Presidenti i Republikës dhe titullarët apo anëtarët e organeve drejtuese kolegjiale të institucioneve të pavarura dhe të agjencive të pavarura. „*, sepse ne rastin konkret krijimi i marrëdhënies së punës se ankuesit është bere në bazë të emërimit të datës 16.05.2016 sipas dekretit me numër Nr.DED-012-2016 nga Presidenti i Republikës së Kosovës ashtu siç parashihet edhe me nenin 7 paragrafin 7.1 ,7.8 dhe 7.10 të Ligjit Nr. 03/L-207 Ligjin për plotësimin dhe ndryshimin e Ligjit Nr. 03/L-044 për Ministrinë e Punëve të Jashtme dhe Shërbimin Diplomatik të Republikës së Kosovës ku thotë se : „ 7.1 Emërimi i Ambasadorëve dhe Shefave të Misioneve bëhet nga Presidenti i Republikës së Kosovës me dekret“, „7.8. Të emëruarit në pozitën e Ambasadorit dhe Shefit të Misionit që nuk janë anëtarë në detyrë të Shërbimit të Jashtëm të Republikës së Kosovës shërbejnë vetëm për një mandat, dhe pas përfundimit të këtij mandati, nuk konsiderohen pjesë e Shërbimit të Jashtëm' dhe „7.10 Emërimi i Konsujve të Përgjithshëm bëhet me dekret të Presidentit të Republikës së Kosovës“.


Bazuar në nenin 20 të Ligjit Nr.03/L-122 për Shërbimin e Jashtëm të Republikës së Kosovës, pranimi në shërbim të jashtëm behët përmjet konkursit të hapur si dhe pajtim me Ligjin për Ministrinë e Punëve të Jashtme dhe Shërbimin Diplomatik si dhe legjislacionit në fuqi. Ndërlidhur me këtë neni 8 i Ligjit Nr.03/L-044 për Ministrinë e Punëve të Jashtme dhe Shërbimin Diplomatik të Republikës së Kosovës ka përcaktuar se " *Anëtarët e Shërbimit Diplomatik të Kosovës, përveç të emëruarve politik, janë pjesë e Shërbimit Civil të Kosovës dhe personeli i tij i nënshtrohet të njëjtave paga, kërkesa dhe kushte të punës, përveç nëse*

parashihet ndryshe me këtë ligj ose me ligje tjera ose akte nënligjore me qëllim të sigurimit të mbarëvajtjes efektive të punës së ambasadave dhe misioneve ose zyrave tjera jashtë Kosovës. Andaj bazuar në këto dispozita ligjore, Kolegji për shqyrtimin e ankesave, vlerëson se Këshilli nuk është kompetent për të shqyrtuar ankesën e ankuesit ██████████ ██████████, sepse në bazë të dëshmive të ofruara nga ankuesi dhe organi i punësimit ankuesi nuk është pranuar në shërbim të jashtëm nëpërmjet konkursit të hapur dhe nuk ka nënshkruar Akt emërim me Ministrinë e Punëve të Jashtme, por ai është emëruar me dekret të Presidentit të Republikës së Kosovës respektivisht është i emëruar politik vetëm për një mandat dhe pas përfundimit të këtij mandati, nuk konsiderohet pjesë e Shërbimit të Jashtëm dhe Ministria e Punëve të Jashtme dhe Diasporës nuk ka asnjë obligim për sistemimin e ankuesit në shërbimin e jashtëm.

Bazuar në këto rrethana, kolegji për shqyrtimin e ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë -Departamenti Administrativ, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

Këshilli i Pavarur Mbikëqyrës për Shërbimin Civil të Kosovës
Lënda Nr. A. Nr.278/2020

Ardita Perçuku-Shyti

Procesmbajtëse

Malsore GASHI BAJRAKTARI

Kryetare e Kolegjit



Vendimi i dërgohet:

- Ankuesit ██████████ ██████████
- Sekretarit të Përgjithshëm të Ministrisë së Punëve të Jashtme dhe Diasporës;
- Udhëheqësit të Personelit të Ministrisë së Punëve të Jashtme dhe Diasporës;
- Arkivit të KPMSHCK- së

